

Dr M letak jawatan sebagai pengerusi Bersatu pula

Malaysiakini

24 Februari 2020

Dr Mahathir Mohamad membuat satu lagi kejutan dengan meletakkan jawatan sebagai pengerusi Bersatu.

Peletakan jawatan itu diumumkan tidak lama selepas beliau disahkan berundur sebagai perdana menteri.

Ia juga dibuat selepas Presiden Bersatu Muhyiddin Yassin mengumumkan parti itu keluar daripada Pakatan Harapan.

“Tun Dr Mahathir bin Mohamad telah menghantar surat peletakan jawatan sebagai Pengerusi Parti Pribumi Bersatu Malaysia.

“Surat tersebut telah dihantar kepada Ibu Pejabat Bersatu hari ini,” menurut kenyataan Pejabat Pengerusi Bersatu sebentar tadi.

Sebab peletakan jawatan itu tidak dinyatakan.

Bersatu adalah parti serpihan Umno ditubuhkan pada 7 Sep 2016 bagi menentang BN dan Umno yang dipimpin bekas perdana menteri Najib Razak.

Mahathir dilantik sebagai pengerusi Bersatu, manakala Muhyiddin Yassin memegang jawatan presiden parti.

Pada 20 Mac 2017 Bersatu yang dipimpin Mahathir menyertai Pakatan Harapan (PH) dan parti itu bertanding menggunakan logo PKR dalam pilihan raya umum ke-14 (PRU-14) lalu.

Copyright © 1999-2012 Mkini Dotcom Sdn. Bhd

Source: <https://www.malaysiakini.com/news/512036>